

本草綱目拾遺

本草綱目拾遺火部目錄

陽火陰火

太陽火

星精

飛火

鎖木火

擊石

龍火

雷

火

石油火

水中

三昧火

黃金火

荷梗火

煤火

藤火

匏火

荷梗火

樛柴火

樛柴火

稻麥穗火

松柴火

樛柴火

樛柴火

樛柴火

茅柴火

燒酒火

魚膏火

魚膏火

魚膏火

魚膏火

蠟油火

丹藥火

陽燄火

神燈火

神燈火

神燈火

火罐氣

烟草火

衡烟

潮葉

面烟

濟甯烟

濟甯烟

烟桿

烟筒中水

鼻烟

水烟

水烟

水烟

水烟

鴉片烟

藏香

藏香

藏香

藏香

藏香

藏香

本草綱目拾遺土部目錄

楊妃粉

丹鼃泥

洗手土

觀音粉

烏龍粉

白硃砂

鑄銅罐

白蠟塵

檀香泥

席下塵

回燕膏

鞋底泥

鼠穴泥

椅足泥

狗溺硝

雞脚膠

烏金磚

蛆鑽泥

本草綱目拾遺金部目錄

鐵線粉

開元錢

萬曆龍鳳錢

菜花銅

風磨銅附

白銅鑛

白銅附

紫銅餅

金花餅錫餅附

錢花

馬口鐵

金頂

烏銀

子母懸

銀銷

[illegible]

本草綱目拾遺石部目錄

吸毒石

天生礪

倭硫黃

石腦油

神火

天龍骨

玉田沙

瑤池沙

木心石

棹巖附

仙人骨

禹穴石

桃花鹽

瘤卵石

松化石

雲核

瀚海石竅沙

巖香

龍窩石

石髓

紅毛石皮

金精石

雄膽

雉窠黃附

石螺螄

貓睛石

辟驚石

奇功石

保心石

本草綱目拾遺

卷二十一 目錄

本草綱目拾遺卷二

錢唐趙學敏恕軒氏輯

火部

陽火陰火 火有陰陽乃太極之妙蘊人盡以火爲
純陽不知有陰火惟聖人知之故離卦中虛陽中
有陰也坎卦中實陰中有陽也火地生物亦然陽
火無質以物爲質然後寄其形以燃物陰火有質
不必寄形於物而不能盡焚諸物蓋陽火乃火之
魂屬陽氣熱陰火乃火之魄屬陰氣不熱瀕惒統
十二火以分陰陽其曰天之陽火二太陽火星精

飛火地之陽火三鑽木火擊石火憂金火人之陽
火一丙丁君火夫太陽炙背卽暖星精火有光有
聲其墜地之初如燔石手不可近鑽木之火鑽與
木皆燠熱有烟擊石憂金必兩物摩盪熱則火出
皆有火氣人身君火所呵出之氣天雖極寒而人
氣無不熱此皆陽火爲火之魂氣雖熱必寄形於
物乃燃故水晶取日中之火承艾而烟起火殃爲
飛星之精入土乃起焚房屋鑽木擊石憂金非物
受其火不能存也人身丙丁火能解犀角散積陰
之氣已不啻寄其身而焚之也其氣皆猛烈可知

其曰天之陰火二龍火雷火地之陰火二石油火
水中火人身之陰火二命門相火三昧眞火龍火
不能焚物止能焚砂石蓋龍本純陽而火反陰者
以陽爲體以陰爲用也雷火不能焚物能焚金鐵
蓋雷之擊物必有聲其用屬陽而其體屬陰也砂
石本土之餘氣爲先天火結以陽體焚之金鐵爲
水之母本陰精而卽以陰體鎔之此五行生尅之
妙也石油能於水中生火凡水中一切物非石油
不能焚之水中火本鹹精故海水入夜則明至陰
之氣不能焚物也命門相火卽人身慾火與三昧

真火皆能自焚不能焚物此皆陰火爲火之魄氣
不熱不必寄形於物而有能焚不能焚之別非若
陽火之遇物無不消鎔也瀕湖僅列其名又不断
言其故且其主治功用又皆晦之故特爲詳述以
補

太陽火

除濕止寒游舒經絡

和而病去冬月以舊

帛曬受陽氣覆

補脾胃

作饔日曬受日氣多

服長生

養生家有服日光法

星精飛火

辟伏尸

陳子靜養生註云火殃卽流星之精入土中其地有伏尸皆遠

去增志慮聰明

談道錄有製星精米法以白米露星月下百日承受星精小兒食之

多聰明增神智
且辟邪除瘧

鑽木火 除瘟疫卻四時不正之氣周禮司燿掌火
政四時變火以救時疾卽此 殺精魅凡一切山
魃木怪年老精魅用千年古柏不得以凡火燃須
鑽木按時取火燃之

沈雲將食纂榆柳火助養生之氣利肝膽調筋脈
棗杏火消蕃茂之氣養心血通神明柞櫨火斂耗
散秉元清利肺而滋本源制陽而結髓槐檀火補
腎藏益陰血使遍體調和周身通暢桑柘火補脾
胃壯眞元

擊石火 宜針灸百病取其含陰氣於陽中有太極之妙張石頑以石取火爲陰火云不宜以之灼艾以太陽取於陽燧者爲陽火宜灸病不知石雖陰質非眞火蘊結則不成形凡石中皆有火火石較他石尤火多而易取者以此石獨受天陽之氣厚也石陰而火陽必受擊乃出火多者且有炘炸聲若陰火則無聲矣故瀕湖列爲地之陽火石頑以爲陰火未免拘墟之見耳

夏金火

能散鬼燐野祟夏金取火照之卽滅跡

人身君火

卽人元氣能救卒死魘死以口布氣度之卽生散
鬼氣呵氣吹之卽滅○發痘凡陰寒不起不漿者
用壯健人氣呵之卽起發紅活漿行而毒化○止
腹痛腹瀉老年人多有氣弱受寒患此者用壯年
人以手搓極熱頻互掩其臍使手中熱氣透入丹
田自愈此借君火之力也

龍火

龍起石中石內必有焦裂處乃龍口火所燒也刮
其石末煎湯治痞膈如神以石受龍火之氣無堅

不破也

海上格物論

雷火

其震木有硫黃氣者得雷火之氣也能治驚癇邪祟合辟瘟丹加用最妙

石油火

有毒不宜煖物以紙燃蘸油點火照瘡可引毒外出

水中火

著體能潰肉腐爛可摩風氣

相火 三昧火

凡人皆不能運用惟有道之士能運以療病起死回生相火能結舍利成堅固子三昧火能殺精魅黃金火

以金器燒紅烙肉上能止血凡人神所在誤針出血不止者燒金器烙之

選元方

煤火

本經逢原云北方炊食多用煤火以地屬坎足勝其氣且助命門真火食煤火長氣於陰所以膂力強壯南人食之多發癰毒受其毒者以薺汁解之然煤火處置大缸水於旁則毒從水解南方炊食

多用薪火人食薪火長氣於陽氣多輕浮不實不似北方之稟氣剛勁也然近日南方亦產煤薪價日昂市井多有用煤者其煤在浙省則出於衢嚴湖州較北煤堅細以之代薪煤氣亦減薄甚有如薪炭無臭氣者名曰香煤出太湖山中綱目石部收烏金石卽煤也其主治多言其質之用而火部又不收煤火故爲補之用以香煤爲佳

烹一切食物能和脾胃滋氣力通腎氣助陽道婦人煖子宮雜煤臭煤有毒

藤火匏火

藤乃木本各種山藤性最蔓延喜束物故爲火亦如其本性匏屬皆瓠類草本也蔓皆中空而長養最速其性行甚捷今徽人作花炮者其藥線必用壺盧炭取其疾速勝於杉柳梢同一藤也而草木之性不同如此

藤火 宜煎臘脹水腫四肢諸病等藥

匏火 宜煎救急諸藥取其頃刻能達經絡也

荷梗火

荷梗入秋人多采取積之使乾爲薪入鑊煮肉則精者反浮肥者反沉入藥用其火氣能通肝肺二

竅

宜煎一切轉肝交腸藥能正倒陰陽之氣

稻麥穗火

稻穗火烹煮飲食安人神魂利五臟六腑糯稻穗

尤峻烈

盧鎗日記鳥鎗用糯穀炭取其鎗鐵力速見風鉛子不凝其能久住之力如此

穗火煮飲食主消渴咽乾利小便

松柴火

煮飯益人壯筋骨煎茶不佳

食纂松卯火煎茶美

以能聚茶力使不散真味

櫟柴火

櫟柴煮猪肉食之不發風煮雞鵝鴨魚腥等物易爛且良

茅柴火

炊煮飲主明目解毒

食纂

燒酒火

酒本米麴之精華屬陽燒酒則又爲酒之精華乃陽中之陽燃之色綠陽極陰生之象與石硫性同皆以陽爲體藏陰於用也故其光照人面皆作青灰色照魑魅則不能遁形以陰爲用者多含毒今人率以此酒冬月爲大碗用以煖物代炭火久食

則發癰毒默受其毒而不覺然維藏寒者宜之氣
能透達骨髓軟堅燥濕熏衣著之能發骨髓中汗
魚膏火

海上人多取魚膏爲油代菜荳油用其油割海鯨
腹中脂或取其肉並煉爲膏燃之照夜然烟重氣
腥多昏目損神秦始皇墓中以鯢膏爲燈卽此後
人多解爲人魚者誤也

辟蚊蛾熏竹木除蠹

蝟油火

乃刺蝟脂肉所熬油山左蝟大者如猫山人獲取

之熬其脂肉可得油斗許用以照夜光明皎澈同
白晝比蠟猶明此油可入神燈照用按蝟脂可烱
鐵骨能縮人筋骨其性峻利可知入神燈其氣照
毒能縮毒使小

丹藥火

錦囊秘授有製救苦丹法眞麝香一錢劈砂水飛
二錢好硫黃三錢各研極細先將硫黃化開次入
麝砂二味離火攪勻在光石上攤作薄片切如米
如粳二樣小塊貯瓶勿洩氣治病將藥安患處以
燈火點著候至火滅連灰罨在肉上立見痊愈重

者用米粒大輕者用粃粒大安放銅錢眼內香火
燃之只須一炷不必復灸如若患處闊大連排數
炷一起灸之且灸時不甚熱亦不甚疼灸後並不
潰膿一茶之頃痼疾如失係觀音佛所授真神方
也又海上仙方亦有救苦丹其法用麝五分硃砂
水飛錢半硫黃五錢樟腦錢半俱爲細末入銅器
內文武火烘烊取起冷定敲碎如米粒大用能治
各種風痺跌撲癰疽初起有效 敏按此丹藥諸
火爲人工製造本非天生藥料然本草中又不得
不載造釀一類卽瀕湖火部收載神鍼之意也因

與神燈火並錄以補李氏所未述

治一切風寒濕氣流注作痛手足蹇攣小兒偏搐
口眼喎斜婦人心腹痞塊攻疼無分年深月久皆
可用

蓬萊火

茅昆來家傳醫要有蓬萊火法西黃雄黃乳香沒
藥丁香麝香火硝各等分去西黃加礪砂草烏皆
可用紫棉紙裹藥末撚作條如官香粗以紫實爲
要治病剪二三分長一段以棕黏黏肉上點著不
過三次卽除根若點穴不差灸至藥盡皮肉發爆

病卽立愈每次三壯重者不過三次卽除根不復再發灸後忌豬肉待瘡平復再食此茅氏家傳五世試效神驗方也

治風痺跌撲瘰癧

俱按患處灸

水脹膈氣胃氣

按穴灸

陽燧錠

趙氏集要古有烙法今罕用之不但粗工不知用法抑且患者見之駭然故以此代之法用乾蟾酥剉薄片焙研硃砂水飛川烏草烏各五分礬蠶一條各研細將硫黃一兩五錢置杓內微火鎔化入藥末攪勻急攪爲要遲則凝矣傾入磁盆內速攪

成片待冷收用用時取甜瓜子大一塊上尖下平
先將棗肉擦患處黏藥於上香火點著卽起火焰
五壯七壯九壯隨症施之灸畢卽飲米醋半酒杯
候起小泡線針穿破出黃水些須膏藥蓋住其毒
卽消

此方遺寫冰片麝香二味原稿眉注

治濕痰流注附骨陰疽寒濕瘡毒經久不消內潰
不痛者能使未成卽消已成卽潰已潰卽斂如若
風痺用竹箸點之有酸痛處筆蘸墨記之照墨上
灸若腿膝疼痛灸鬼眼穴諸瘡初起灸三五壯卽
瘥

神燈火

外科有神燈照法用硃砂雄黃俱研水飛血竭沒藥箬烘去汗各二錢麝香四分爲極細末每用三分以紅棉紙緊捲撚條約長七寸麻油潤透以火燃著須令患者坐無風處將藥條離瘡半寸自外至內週圍徐徐照入火頭向上藥氣乃入毒卽隨火解散自不內侵臟腑不可太過恐傷好肉其瘡微微覺熱心神卽爽每日只燻一次初用三條每日加一條加至四五條勢卽漸減然後每日減去一條直燻至紅腫消盡爲度燻後用後藥稀荻草

新鮮采得者搗爛入陳年小粉等分初起者再加
白鹽研細少許打成稠糊敷半寸厚畱頭必須敷
過瘡暈三分方能箍定毒根瘡口之上用大蔥葉
滾水泡熱扯開貼之或膏蓋亦可避風爲妙自能
拔出膿毒如無鮮草以如意黃金散代之集要云
神燈照法勿用太早如瘡四五日間形未成毒未
聚驟用之毒必內鬱反難外出須用在八九日後
瘡勢已定毒氣已聚未成膿腐之時用此照之未
成者自消已成者自高不起發者卽發不腐潰者
卽潰若毒已潰膿已泄者不宜用每日以猪蹄湯

淋洗或蔥頭煎湯洗亦佳忌發物

治一切腫毒癰疽發背能解毒活血消腫散瘀

火礮氣

火礮江右及閩中皆有之係窑戶燒售小如人大指腹大兩頭微狹使促口以受火氣凡患一切風寒皆用此礮以小紙燒見焰投入礮中卽將礮合於患處或頭痛則合在太陽腦戶或顛頂腹痛合在臍上礮得火氣合於肉卽半不可脫須待其自落患者但覺有一股煖氣從毛孔透入少頃火力盡則自落肉上起紅暈礮中有氣水出風寒盡出

不必服藥

治風寒頭痛及眩暈風痺腹痛等症

烟草火

沈雲將食物會纂烟以閩產者佳燕產者次石門
產者爲下春時栽植夏時開花土人除一二本聽
其開花收種外餘皆摘去頂穗不使開花并去葉
間旁枝使之聚力於葉則葉厚味美秋日取葉用
竹簾夾縛曝乾去葉上粗筋用火酒噴製切葉細
如髮每十六兩爲一封貿易天下其名不一有真
建假建之分蓋露頭黃二黃之別近日此方製烟

不切成絲將原曬烟片揉成一塊如普兒茶磚茶
一般用時揉碎作末入烟袋中貯用 頂上數葉
名曰蓋露味最美此後之葉遞下味遞減相傳海
外有鬼國彼俗人病將死卽昇置深山中昔有國
王女病革棄去之昏憤中聞芬馥之氣見臥傍有
草乃就而嗅之便覺遍體清涼霍然而起奔入宮
中人以爲異因得是草故一名返魂烟○方氏物
理小識烟草明萬厯末年有攜至漳泉者馬氏造
之曰淡肉果漸傳至九邊皆含長管而火點吞之
有醉仆者崇禎時嚴禁之不止其本似春不老而

葉大於菜暴乾以火酒炒之曰金絲烟可以祛濕
發散久服則肺焦諸藥多不效其症令人忽吐黃
水而死○粵志粵中有仁草一曰八角草一曰金
絲烟治驗亦多其性辛散食其氣令人醉一曰烟
酒其種得之大西洋一名淡巴菰相思草物理小
識淡巴
姑或呼
擔不歸閩產者佳近出江西射洪永豐者亦佳製
成烟有生熟二種熟者性烈損人尤甚凡患咳嗽
喉癰一切諸毒肺病皆忌之近蘭州出一種烟名
曰水烟以水注筒吸之令烟從水過云絕火毒然
烟味亦減○張良字云水烟出蘭州五泉地種者

佳食其氣能解瘴消臙寬中化積去寒癖但不宜
多食其製法以砒夾香油炒成故不能無毒也近
日粵中潮州出一種潮烟其性更烈○姚旅露書
云呂宋國有草名淡巴菰一名金絲醺烟氣從管
中入喉能令人醉亦辟瘴氣搗汁可毒頭蝨○延
綏鎮志烟草其苗挺生如葵葉光澤形如紅蓼不
相對高數尺三伏中開花色黃八月採陰乾用酒
洗切成絲而各省之有名者崇德烟黃縣烟曲沃
烟美原烟惟日本之倭絲爲佳○百草鏡菸一名
相思草葉如菰菜厚狹而尖秋月起莖高者六尺

花如小瓶淡紅色產福建者良用葉以伏月採者
佳生頂上者嫩而有力色嫩黃名益露烟烟品之
多至今極盛在內地則福建漳州有石馬烟色黑
又名黑老虎係油炒而成性最猛烈多食則令人
吐黃水浙常山有面烟性疎利消痰如神凡老人
五更咳嗽吐痰者食之嗽漸止痰亦消江西有射
洪烟性清肅導氣湖廣有衡烟性平和活血殺蟲
可已虛勞山東有濟甯烟氣如蘭馨性亦剋利甘
肅蘭州有水烟可以醒酒近日粵東有潮烟出潮
州每服不過米粒大性最烈消食下氣如神然體

弱者忌○長洲張璐玉本經逢原云烟草之火方
書不錄惟朝鮮志見之始自閩人吸以祛瘴向後
北方藉以辟寒今則遍行寰宇豈知毒草之氣熏
灼藏府遊行經絡能無壯火散氣之慮乎近日目
科內障丸中間有用之獲効者取其辛溫散冷積
之翳也不可與冰片同吸以火濟火多發烟毒不
可以藤點吸恐其有蛇虺之毒也吸烟之後慎不
得飲火酒能引火氣燠灼臟腑也又久受烟毒而
肺胃不清者以砂糖湯解之○蘭上徐沁堃著烟
誠載有祛烟蟲方云杜湘民說凡人食烟則腹中

生蟲狀類蠅兩翅鼓動卽思烟以沐之故終日食
不暇給久之蟲日盛而臟腑敗疾疢大作不可救
藥常有臨革吃烟而始瞑者哀哉其方用生豆腐
四兩戳數孔黑砂糖二兩加腐上真飯甑中蒸之
使腐與糖融化每思烟輒進數匙只三日後其蟲
盡下聞烟氣則嘔不欲食矣。王東藩云近日有
一種熟烟閩人能製其法以油炒烟片令黑名黑
老虎又曰紫建云食之香辣甘一體而備三味中
其毒者欲吐不得須食北棗一二枚解之凡烟種
有山田之分山種者味厚田種者味薄多草氣。

張景岳云烟草味辛氣溫性微熱升也陽也燒烟吸之能醉人用時惟吸一二口若多吸之令人醉倒久而後甦甚者以冷水一口解之卽醒若見煩悶但用白糖解之卽安亦奇物也吸時須開喉長吸嚥下令其直達下焦其氣上行則能溫心肺下行則溫肝脾腎服後能使通身溫暖微汗元陽陡壯用以治表善逐一切陰邪寒毒山嵐瘴氣風溼邪閉腠理筋骨疼痛誠頃刻取效之神劑用以治裏善壯胃氣進飲食祛寒滯陰濁消脹宿食止嘔穢霍亂除積聚諸蟲解鬱結止疼痛行氣停血

菸舉下陷後墜通達三焦立刻見効此物自古未
聞近自我明萬厯時出於閩廣之間自後吳楚地
土皆種植之總不若閩中者色微黃質細名爲金
絲烟者力強氣勝爲優求其習服之始則向以征
滇之役師旅深入瘴地無不染病獨一營安然無
恙問其故則衆皆服烟由是徧傳今則西南一方
無分老幼朝夕不能間矣予初得此物亦甚疑及
習服數次乃悉其功用之捷有如此者因著性於
此然此物性屬純陽善行善散惟陰滯者用之如
神若陽盛氣越而多躁多火及氣虛氣短而多汗

者皆不宜用或疑其能頃刻醉人性必有毒蓋其
陽氣強猛人不能勝故下咽卽醉旣能散熱亦必
耗氣然烟氣易散而人氣隨復陽性畱中旋亦生
氣此耗中有補所以人多喜服未見其損者以此
○敏按釋氏書言人乃山川火土之氣和合以生
故脾胃亦受火土之氣以養烟本火土之精人喜
吃烟者病重卽不食烟以脾胃不受火土之氣故
烟亦不受也火土之氣不特養陽亦兼能生陽所
以妖彪鬼魅多吃烟以無質吸無質味之氣也
至乾麋子閉土中多年亦思得烟吸以融和其體

開礦閉死穴中之人久不得出亦不死鑿礦者於
山穴中遇之呼爲乾屍子見常中丞家宦游筆記
則知烟力之能走百絡通堅遠可知矣凡烟氣吸
出悠揚於外陰爲鬼吸人不見耳故食烟之人多
面黃不盡耗肺而焦皮毛亦因精氣半爲鬼吸也
友人張壽莊己酉與予同館臨安每晨起見其咳
吐濃痰遍地年餘迄未愈以爲痰火老疾非藥石
所能療一日忽不食烟如是一月晨亦不咳終日
亦無痰唾精神頓健且飲食倍增啖飯如湯沃雪
食飽後少頃卽易饑予乃悟向之痰咳悉烟之害
也耗肺損血世多陰受其禍而不覺因筆於此以

告知醫者景岳所云特一偏之見惟辟瘴卻佳。○
秋燈叢話予堂叔疾延一醫至食畢茹烟烟房大
如升容烟觔許盡吸入腹卽瞑目不語欹倚仰臥
而氣息闐如衆大驚其僕曰無慮也頃且蘇俄屨
動口翕烟自口中噴騰而出翳然若雲霧數刻始
息乃欠伸而起張目四顧曰快哉晚食復如之詢
其僕曰家居朝夕餐烟二次俱以觔爲率否則病
家人聞其言懼而辭焉其酷嗜之量有如此者
辛溫 本草從新云治風寒淫痺滯氣停痰山嵐
瘴霧其氣入口不循經絡頃刻而過一身令人通

體俱快然火氣燠灼耗血損年○藥性考菸草味
辛性溫開鬱燒吸解倦罨傷止血烟油有毒殺蟲
最捷諸蟲咬傷塗之病失○烟有毒中其毒者煎
胡黃連合茶服之○王東藩醫奧云烟毒以黑砂
糖和井水服之○延綏鎮志云性熱味辛有毒主
寒溼胸膈痞滿益津止饑多食傷氣○格致鏡原
云損容○王桂舟云烟渣入目如以他物洗之愈
洗愈疼必盲後已須用亂髮或髮纓緩緩揉之卽
愈○文堂集驗云凡服至寶丹須停烟茶酒飯一
二時按至寶丹卽塘棲痧藥

腳氣 同壽錄腳氣痛不可忍以致口眼喎斜手
腳如搐不省人事昏迷如死用黃建烟二觔炒熱
以坐桶盛入內將腳解光放入烟中出汗少冷又
炒熱隔日一燻七次卽除根

金瘡止血 良朋彙集以烟末敷之

烟梗

陳良翰云烟葉生者有毒人食之卽中毒發病難
治其莖更烈登萊人用以毒魚凡溪塘中大魚難
捕者用此法毒之用烟莖乾溼俱可剉碎同青胡
桃皮搗爛置水中一飯間大魚輒如醉浮水面小

者皆死。雖鰻鱺龜蝦鼈蚌蛤之屬，一齊罄斃。其毒之猛烈如此。然以此造烟，則梗之味淡，迥不如葉之味厚。

烟葉

治腦漏。楊春涯驗方：菸葉半觔，曬乾研極細末，調花露四兩，曬乾用玫瑰餅再研吹入。○吃蘭花烟成腦漏者，以白鯊脊骨燒烟燻之，數日愈。蘭花乃江西賈人帶來一種蘭子，卽澤蘭子也。氣香烈，取其子研拌入烟，名曰蘭花烟。人食之作蘭花香，然其氣竄上，往往入頂，傷腦易成腦漏。○葉天士種

福堂方治風寒溼氣骨節疼痛痿痺不仁鶴膝風
歷節風偏頭漏肩等症有見睨膏中用新鮮烟葉
搗汁浸松香曬乾入藥亦取其氣味以透利筋絡
也

毒蛇咬傷○慈航活人書先避風擠去惡血用生
烟葉搗爛敷之無鮮葉用乾者研末敷卽烟油烟
灰皆可○不藥良方治毒蛇及毒蟲傷用魚腥草
皺面草烟葉草決明等分杵爛敷之

辟臭蟲 活人書用烟葉鋪牀代褥或燒熏之則
臭蟲盡絕

烟桿

年从色黑毛竹男子用者良

秋燈叢話新昌張姓茹竹烟管四十餘年色如漆而光可鑑珍同拱璧雖戚好不輕假也母病無藥餌資質錢二緡與主子患損病諸藥罔効或謂非多年竹烟管不可治遂取張物截之數寸煎湯服之愈後酬張以巨萬金○陳毅齋云烟桿雖受烟火熏漬之氣然非藉人氣津液漸漬之必不酥透其桿經男子食者光澤可鑑一經婦人口便色黯不鮮明且多直裂紋又最忌糞凡多年好桿持以

上廁能令光潔若象牙桿便裂開走油不堪用物
性之相忌如此

殺蠱毒傳屍癆塗惡瘡劈取中心油透而酥者搗
如糊塗瘡卽痂或攤油紙上貼治蟲隔

百草鏡毒蛇傷先取婦人舊油頭繩紮住腫處勿
令腫上再取耳垢封之止痛隨用多年油黑竹烟
筒桿紫色者亦可毛竹者佳一段約長三寸咀嚼
嚥汁渣淡吐去并取桿中之油搽患處烟桿味辣
服之反甜蛇毒亦隨解痛止自愈試效多人凡蛇
咬有蛇齒畱肉內者烟油塗之自出

婦人血崩 劉怡軒云凡血崩諸藥不效者用多年舊烟桿紫色油透者佳截一寸燒灰黃酒調服下喉卽止屢試屢效

烟筒中水

俗名烟油古今秘苑烟油染衣以瓜子水洗之卽去。同壽錄云烟油入目如小兒及好吃烟者誤犯之若將別湯洗愈洗愈疼必至瞎而後已須用亂頭髮或踪纓緩緩揉之卽愈。解蛇毒塗惡瘡頑癬殺蠱

毒蛇咬 劉羽儀驗方取吃烟桿內脂膏塗在咬

傷處用手指搓入肉中痛卽止最效

蜈蚣咬 劉氏驗方用烟筒內膏油塗在咬處或
烟灰擦之立止痛

按烟油一名烟膏味辛微毒陳貢士殺齋云烟油
乃五行之氣相合而生近日外丹家用以點藥金
又可益金色術士隱其名呼爲太極膏又曰氣泥
曰五行丹剔以燃燈化油則一切毒蟲皆不近入
水蛟龍亦畏之入藥舊竹桿劈取者良凡梅條藤
條紫檀烏木老鸛草及純銅純銀桿中油皆不及
竹中者性良惟象牙桿中烟油可殺蠱毒聞有橄

欖木烟桿其中油可毒魚至烟膏亦各隨所食烟
質爲高下烟肆所市烟俱以烟葉噴油打成塊用
鐵鏹披作絲售之此爲純葉不雜爲上品更有打
塊時夾素馨葉雜以礬紅鏹成絲再加薑黃末以
和其色者其氣燥烈損人烟膏亦淡而薄不及上
品力厚也海鹽朱進士醒菴云烟油解蛇毒初不
甚信後見里人獲一赤練蛇長八九尺粗如臂口
吐毒烟一犬近之蛇噓以氣卽腹裂死一人戲以
舊竹烟桿去頭嘴以竹絲通出油刺入蛇口蛇嚙
之卽瞑目閉口身捲縮俄復伸長如是數次直如

繩而斃始知其解毒殺蟲之功信不虛謬諸城劉仲旭少府云西北口外出一種毒蟲名曰蝥蛄狀如中土蚩蠅人出遇之卽觸人面不論何處被其觸者亦不甚痛頃覺眼眶四圍出細蛆攢食睛膏痛不可忍彼土人治法惟取烟桿四五枝折取烟油塗目內忍痛片時其蛆皆死然後再用溫水洗去烟油卽愈○椿園聞見錄撻拉巴哈台卽準噶爾故地夏多白蠅爲害觸人畜眼角輒遺蛆而去非以膠黏之不出○按常中丞筆記云西北臺站及伊犁等處出一種野蠅亂撲人面若被其觸者

眼角內卽出蛆蟲痛癢異常有因此成瞽者土人多以烟油塗眼角治之然疾愈後目亦紅腫數日不消總不若蒙古治法以魚膠一塊向眼角黏出之又不得損目較烟油爲佳

烟筒頭中煤

濟急良方治蜈蚣咬傷取烟筒頭內硬煤擦之立時止痛

鼻烟

廣大新書有造鼻烟法香白芷二分北細辛八分焙乾猪牙皂角二分焙乾研薄荷二分冰片三釐

乾烟絲爲君乾絲一錢必配福烟六七分許右藥
各爲細末酌量配合不必拘分兩以色如椶色者
佳。有內府造洋造廣造及土烟數種鴨綠者最
佳玫瑰色者次之醬色者爲下陳久而枯者不堪
用出洋中者能追風發汗。香祖筆記近京師有
製鼻烟者可明日尤有辟疫之功以玻璃爲瓶貯
之象牙爲匙就鼻嗅之皆內府製造民間不及張
玉叔云近有廣東來者較內府造者尤勝有五色
以蘋果色爲上。澳門紀略西洋出鼻烟上品曰
飛烟稍次則鴨頭綠色厥味微酸謂之豆烟紅者

爲下。常中丞筆記鼻烟或冒風寒或受穢氣以少許引之使嚏則邪穢疏散積滯亦解若刻不少間反有致疾者烟有多品總以洋烟爲最取其滋潤不烈所以爲佳

通關竅治驚風明目定頭痛辟疫尤驗

水烟 參看前烟草條下

沈君士云水烟真者出蘭州五泉山食之性尤峻削豁痰消食開膈降氣惟虛弱者忌服亦解蛇虺毒予家有姻戚餽食品因天暮未暇食實筐中經宿爲蛇涎所漬次日食之舉家皆患嘔吐腹痛惟

之通經目 卷二
一小僕免詢之則每食後輒服水烟也。蔡雲白
言蘭州五泉種水烟其葉與枇杷葉相似與烟葉
迥別

鴉片烟

臺海使槎錄鴉片烟用麻葛同鴉土切絲於銅鑪
內煮成鴉片拌烟另用竹筒實以機絲羣聚吸之
索值數倍於常烟專治此者名開鴉片館吸一二
次後刻不能離暖氣直注丹田可竟夜不寐土人
服此爲導淫具肢體萎縮臟腑潰出不殺身不止
官弁每爲嚴禁常有身被逮繫猶求緩須臾再吸

一筒者鴉土出噶喇吧海東札記鴉片產外洋咬
嚼吧呂宋諸國爲渡海禁物臺地無賴人多和烟
吸之謂可助精神徹宵不寐凡吸必邀集多人更
番作食鋪席於坑衆偃坐席上中燃一燈以吸百
餘口至數百口烟筒以竹爲管大約入九分中實
椶絲頭髮兩頭用銀鑲首側開一孔如小指大以
黃泥搗成壺盧樣空其中以火煨之嵌入首間小
孔上置鴉片烟於葫蘆首烟止少許吸之一口立
盡格格有聲飲食頓令倍進須肥甘不爾腸胃不
安初服數月猶可中止迨服久偶輟則困憊欲死

卒至破家喪身凡吸者面黑肩聳兩眼淚流腸脫不收而死

主治胃脘痛神效

藏香

出西藏作團成餅者良如香炷者次之色紫黃色氣甚猛烈焚之香聞百步外者佳僞者名京香不入藥用○有出打箭爐者不及西藏出者第一有紅藏黃藏紫藏之分○蕭騰麟西藏見聞錄云藏香有紫黃二色粗細二種各處皆有惟產於巴塘者爲最○朱大駿云親見藏香有黑如墨者燃之

催生甚妙。宓元良云藏香有紫黃二色紫者內有瑣瑣葡萄汁合成故色紫而性開關發透發而上升能發痘瘡黃者性下降可催生不可亂用。聞人達達云藏香有綠色者云最貴焚之嗅其烟可清目不知彼中何草合成。葉明齋云藏香中有一種白色小丸子焚之氣頗幽爽亦係番僧所貢不知何名其香氣嗅之可治老人腸燥氣虛便秘入廁時焚一二丸最妙亦可治痘。馬少雲衛藏圖識藏香有紫黃二種真者焚時烟凌霄漢蓋以珍寶屑成之又有黑白香白香亦名吉吉香黑

香亦名唵叭香。○敏按藏香祇有紫黃二色爲正
品其所云紅綠黑白諸色皆屬他香近亦罕見姑
存其說以備考。○王景略曾爲織造寅公製藏香
其方云得自拉藏予求其法附載於此速香二片
沉香黃熟香黃檀香廣木香各四兩春花甘松三
奈玫瑰瓣母丁香細辛檜皮生軍排草乳香金顏
香唵叭攪油蘇合油伽楠水安息各二兩冰片一
兩右各爲極細末以頂好榆麵二觔火硝十兩化
水加老醇酒調和爲香

殺邪治祟功同蒼朮痘瘡不發點牀角上令兒聞

之能透斑甚妙愈瘡催生明目

按痘乃先天胎毒非火不結因感而發最忌燥烈以香氣薰觸不愈滋其枯裂乎透斑之說予終未敢深信蓋凡香皆作燥爇者猶烈夫痘靨曰苗痘發曰花旣曰花則性未有不喜潤者安得以香燥助其毒卽能透斑終恐乾紅而歸黑陷耳

--	--	--	--

土部

楊妃粉

產馬嵬坡上取之者必先祭然後掘之去浮土三尺有土如粉膩滑光潔於女子最宜澤肌有效○職方典出陝西西安府女面有黑黝以水和粉洗之卽除

拭面去黝黥雀斑美顏色

丹竈泥

嶺南雜記出羅浮山以粉紅色者佳○粵志羅浮冲虛觀後有稚川丹竈取竈中土以藥槽之水洗

之丸小粒投水中輒有白氣數縷沖射四旁生泡
不已哈哈有聲頃之一分爲二二分爲四四分爲
八然後融化服之可療腹疾道士號爲丹滓嘗以
餉客

一治暈船不服水土等症 丸如豆大飲水調服
洗手土

坤輿典雞足山有迦葉洗手土彼方人若頭痛者
以些少塗之卽瘥

觀音粉

處州府志雲和山中有白澹泥以水攪研而取之

和糯米粉一半蒸食之可以療饑名觀音粉○生
山土內白如粉絕細膩歲荒鄉人輒掘取之和麥
麴作餅餌以食但不可多食多食能令便閉腹重
以其土性滯澁腸胃耳生洞內者不可服恐其有
蛇虺涎毒○鄭仲夔冷賞載云丙子歲荒弋陽石
窩村菴僧夢大士告以山下土中有石粉可取充
饑如言往掘果得之儼若蕨粉研細作餅蒸熟甘
美異常鄉人聞而競採之或有以葷油裹者卽苦
甚不堪入口名大士粉卽此○綱目石部載石麴
卽此以爲不常生不知今山中皆有瀕湖主治止

言益氣調中食之止饑而不知其去溼之功十倍於蒼朮蓋亦土能制水之意耳

味微甘苦性平解蟲毒逐水腫明目療溼黃

烏龍粉

丹術家名黑龍丹係燒馬糞金臍煤

生肌收口藥用之慘瘡口卽驗

白硃砂

一名翠白古方有用之乃舊定窯器末也近窯火氣未脫有毒能腐肉不宜服○青磁末曰翠青本經逢原白磁器研細水飛傳癰腫可代鍼砭又點

目去翳○百草鏡云白硃砂係古磁白色者研粉入藥以其年久無火毒之害必不得已用破碎定窯入土過者火煨醋淬研細水飛用今人以近日窯器白色者代用誤矣○按外科有九種十三根法凡種癰留根有白蠶種能令患毒不收口時以取利今逢原用以傳癰腫恐種毒留根不宜誤用或加入膏中以代鍼可也然亦以少爲貴

接斷骨神效方○黃氏醫抄研極細末同黃蠟丸酒吞三錢取汗出骨接有聲片時卽復

去翳障○得效方有點眼翠白丹用之錄驗方有

本草綱目卷二
推雲散翠青翠白同用○醫學指南目疾門有撥
雲能光散中用白硃砂以童便合醋煅製二十一
次方用

遠近星障○眼科要覽白硃砂牛黃熊膽白丁香
珍珠冰片各一分石燕石蠟琥珀珊瑚各三分爐
甘石煅三錢麝香半分共爲細末蜜一兩調點
鼻血不止○慈惠編定窰磁器乳極細末吹少許
入鼻孔內立止

治膈○義復方用白磁片燒紅醋淬七次研極細
末燒酒服三釐

臙瘡起沿○白硃砂煨紅淬入乾燒酒內四兩七
八次以酥爲度研細水飛每上藥一錢加冰片三
釐研細糝之黑膏藥蓋貼孕婦勿服能墮胎慎之
齧損頭○葉氏方用細磁器爲末香油調塗立效
治跌打閃衄傷方○白硃砂卽回青磁器用火礮
燒紅童便淬七次研成粉淨用三錢乳香沒藥俱
去油各一錢三味研爲細末用好黃酒送下三日
一服三服全愈

難產催生○便易良方白細碗研碎末一錢酒吞
下立刻卽產

本草綱目卷二
綱目四卷主治內云白磁器水磨可滅癥瘕

鑄銅罐

雲溪方浙江湖州人每擔爐具赴他州代人鑄銅杓鍋鏟其泥罐不輕棄可入藥

治小兒頭生軟癰出膿水不乾仍復癰腫用罐石上搥細末醋調敷之膿自溢乾迫泥落而疾自愈

白蠟塵

此乃白蠟面上年久積塵埽下貯用

治瘰癧

萬邦字家抄

檀香泥

乃檀香心中所含脂垢不易得色如塵土故以泥名燕之亦作檀香氣

治胃氣滯痛肝鬱不舒

席下塵

治水腫 聖惠方治遍身水腫用鹿葱根葉曬乾爲末每服二錢入席下塵半錢食前米飲服

回燕膏

本草經疏朝北燕窠土名回燕膏

治瘰癧○經疏合胡燕窩內土研敷有效

鞋底泥

瀕湖綱目引藏器本草治不伏水土用而外治無聞焉今補之

治停耳頭瘡○良朋彙集人生耳底卽聾耳用鞋底陳土吹入耳內卽乾此土又治頭上瘡不乾擦上卽好

一切無名腫毒○用獨郎蒜一枚津唾磨鞋底泥簍之三五次卽消

鼠穴泥

治偏正頭風○救生苦海用老鼠洞內泥炒熱乘熱絹帕包頭上卽愈

椅足泥

物理小識此泥炕乾可以生肌

狗溺硝

此藥處處有之生人家石墘上鄉村尤多乃狗溺石上多年結成如硝樣取之水飛用或甘草湯拔去穢氣用

性涼色青白治咽喉腫痛等症能降虛火

雞腳膠

出雲南雞足山近地土中俗名雞腳膠土人往往從土中掘得形如碎磚入火卽烱如膠然故名終

不知何物所結也

治風如神煎湯服

烏金磚

乃糞窖中多年磚也取起一塊洗淨以清水煎熬
撇去浮沫候浮沫淨其汁亦濃每二二盞治痘不
貫漿虛弱無力者大效

蛆鑽泥

乃糞坑中蛆鑽之泥其質鬆凡蛆在泥中過冬必
鑽此土作窠蛆過冬則短縮頭生二角白如蛹清
明後化黑蟲而去蛆必退殼每退每大其退時輒

扒越牆石從高墜下退一節再扒再墜如是屢次
則全退矣此泥有蛹故入退管藥用須冬時取
治痔漏多年起管○用蛆鑽泥一斗曬乾以五升
炒熱袋盛令患者去褲坐其上則稠水膿血淋下
久之泥冷再用五升炒熱接盛坐之如此一袋坐
一袋復炒泥炒熱又易換數次則稠膿自盡三度
後管自退出又不傷人屢用屢效之方也

金部

鐵線粉

色黑產廣中以香炷點之有烟起如蚊子飛者真
陳廷慶云色白者真此乃鎔鐵鍋中浮起白沫如
枯礬者若色黃黑者假

治癬神效 多年頑癬久不愈者先以薑擦患處
後以粉傅之。百草鏡云用醋調搽忌薑椒一切
發物。楊春涯驗方云廣東剔癬粉治癬神效其
色如沉香末則是鐵線者乃剔癬之訛也

兩腿陰面淫癬 毛世洪經驗集以葶薺蘸鐵線

粉擦之立瘡

鐵線粉卽火炮中括下鏽粉也

粵中洋行有船上鐵

絲帶來出售中土曰人起鏽用刀刮其鏽明亮如新所刮下之鏽末名鐵線粉其色黃如香灰帶白色者乃鎔鐵浮起鍋中白沫搗細而成亦名鐵線粉廣中有此二種

開元錢

附萬歷龍鳳錢

無顏錄唐開元錢燒之有水銀出可入藥以有楊妃手掐痕者佳以火煨紅淬醋中六七次用入目者磨用入散者同胡桃研成粉用明目醋煨入眼科治小兒急慢驚風。楊仁齋直指有孔方兄飲

治慢脾驚風利痰奇效用開元錢背後上下有兩
月痕者其色淡黑頗小以一個放鐵匙上炭火燒
四圍上下各出珠子取出待冷傾入盞中作一服
以南木香湯送下或人參湯亦可錢雖利痰非胃
家所好須以木香佐之

禁口痢 張氏必效方開元古錢一個火煨醋淬
以錢化爲度研細末拌粥內食之如十分沉重併
粥不能食者以溫開水調下一二時辰卽思飲食
矣然後用薄粥漸漸開導再用調理脾氣自愈
折傷接骨 槐西雜誌交河黃俊生言折傷接骨

者以開通元寶錢燒而醋淬研爲末以酒服下則銅末自結而爲圈周束折處曾以折足雞試之果接續如故及烹此雞驗其骨銅束宛然此錢唐初所鑄歐陽詢所書其旁微有一偃月形乃進樣時文德皇后誤掐一痕因而未改也其字當廻環讀之俗以爲開元錢則誤矣。周氏方治跌打損傷用開元錢一個醋煨和酒服至重者用二個立愈。古方選註云唐時開元錢亦可入藥功專腐蝕壞肉。陳藏器曰能直入損處鐸入斷骨

廣志自河頭至高廉二郡皆用唐宋錢開元錢以

平頭元爲上尖頭元次之有萬厯錢則以跋厯爲上以厯字左撇直下也。古錢皆可治病如漢之五銖秦之半兩其質薄多青綠剝蝕痕醋煨入眼科綱目已載之世亦多有知者秋燈叢話載順治初湖南孝感縣民多病瘡或於古錢中檢周元通寶錢一文持之卽愈遠近喧傳每文價值制錢一緡若是則又不止開元錢可用也然準古酌今入藥惟開元錢爲當故特爲拈出以廣其用。○王楙野客叢書唐之錢見於今者有二開元通寶與夫乾元重寶按食貨志開元通寶高祖時鑄徑八分

得輕重小大之中其文以八分篆隸三體洛并幽
益桂等州皆置監賜秦王齊王三爐右僕射裴寂
一爐高宗復行開元通寶錢天下皆鑄之元宗亦
鑄此錢京師藏皆徧天下而乾元重寶錢肅宗命
第五琦鑄錢徑一寸每緡重十觔與開元通寶參
用以一當十琦爲相後命絳州鑄此錢徑一寸二
分每緡重二十觔與開元通寶並行以一當十乾
元錢惟肅宗朝鑄而開元錢鑄於累朝所以至今
尙多○按開元通寶錢有二種一種有子掐痕儼
如月眉輪廓微仄銅色頗古卽世所稱楊妃手痕

者閱譚賓錄載錢文如甲跡者因文德皇后也武
德中廢五銖錢行開元通寶錢此四字乃歐陽詢
所書初進樣后掐一甲痕因鑄之始知今所傳乃
開通錢也存以備考

萬厯龍鳳錢 婦人臨產置錢一文手掌內可催生

朱文藻
附記

榮花銅 風磨銅附

藥性考此天生者今之黃銅乃赤銅合爐甘石煉
成

味辛宜製刀切藥性味不改打箔用入損傷劑能

斂金瘡傷口強脾益肺除一切風痺

風磨銅 生西番置風露中色燦如金佩之除一切

風疾

白銅鑛 白銅附

此乃礦中白銅質脆今時用白銅以赤銅砒石煉成有毒不堪用

辛溫治風散毒敷牛馬瘡亦續筋骨

白銅 辛涼鎮氣不足益肺下痰伐肝明目

藥性考

紫銅鈔 金花鈔 錫鈔附

藥性考產雲南入藥鎮心利肺降氣墜痰火煨末

用可罨續筋骨折傷

金花鈔

藥性考與紫銅鈔相類主治亦同

錫鈔

藥性考有毒磨塗疔腫

錢花

藥性考此乃鑄錢爐中飛起黃沫輕鬆善佳

主敷騾馬迎鞍瘡

馬口鐵

一名馬銜鐵乃馬口中嚼銀是也其性愈久愈軟市人以之打簪鐲戒指偽充銀器儼如真者或以作包金地子皆好年久者質軟更得馬之精液又

藥良

味辛煎湯治小兒驚風

金頂

品級考頂製以銅外鍍以金七品以下皆純鍍金七品以上則嵌珍石不同入藥取純銅鍍金色舊難用者良先以甘草煎湯乘熱洗用

治頭風及口眼喎斜 傳信方袁良臣云煎湯煮藥有效舊雀頂更妙

絕邪瘧 余機云取年久色舊純金頂一枚以紅絹囊盛之藏臥席下勿令病人知自愈按頂製加

於冠首日受陽氣熏蒸又得風日之氣年久者得一氣愈厚凡金之屬皆能尅木風屬巽巽爲木故能治風斜絕邪瘧者亦取正氣以定之耳

烏銀

綱目銀下附烏銀言用硫黃熏銀則色黑成烏銀養生家製爲器盛露飲之長年辟惡止載其服食功用而不言有治病之用故從行篋檢祕方得其法以補之

治翻胃如神用紋銀錢二分硫黃一觔將硫黃分作一百二十包取大傾銀罐一個將銀放入罐內

炭火上煨將硫黃逐包投入罐內黃盡爲度取銀爲末初次服三分二次服二分三次服一分再加丁香茴香藿香沉香各三分麝香一分分爲三服每服用銀粉二分水一鍾煎藥至半鍾將銀粉空心送下作三日服完卽愈

子母懸

翟筠川掌記子母懸出貴州鉛礦中乃鉛之精氣所結得其大者成塊有數十觔生鑿爲洗盆沐頭面髮至老不白明目去癢瘰澤容潤肌凡人面有紫黑癍記久沐盡去

解毒去疣贅息肉烏鬚髮明目

銀銷

一作袖

此乃傾銀鋪鎔銀脚也凡鎔銀入罐必多用硝及礬砂黃砂以去鉛銅雜脚則成十足成色爲紋銀其罐底所餘黑色滓渣名曰銷有毒不可悞食食能墜人腸此物無入藥用者故綱目銀下附烏銀雖無主治尙列其名而銷未及焉者或以其毒而棄諸人有誤食者急用黃泥水服二茶盞可解或每日用飴糖四兩作小丸不時以芝麻油吞下俱可瀉其毒出須服至百日外無患。經驗廣集服

銀銷水者烏梅湯灌之卽解。楊春涯驗方誤食銀釉帶皮綠柿連吃數十枚冬曰吃柿餅茨菇汁可解神妙

治癰 救世青囊凡頑癰用銀銷不拘多少盛磁盤內安放露天將盤微側使銷沾露有水流下抓破搽之

內府萬應膏 慈谿陳水東得來用銀銷一觔黑芝麻油二觔先將銷入油內浸十日敲碎全油煎至四五分熟用絹袋濾去銷入炒過飛淨東丹一觔熬成膏治一切無名腫毒癰瘡痔漏發背疔瘡

一貼卽愈

五雲膏 不藥良方治馬刀瘰癧又鼠瘡已潰者
用銀黝子四兩槌碎黃丹八兩飛淨香油二十兩
用砂鍋一個盛香油火溫候油熱將黝子投入油
以桃柳桑槐棗五枝攪之候起珍珠花撈去渣用
布濾淨復將油下鍋慢慢將黃丹篩入油內仍用
五枝不住手攪之以滴水成珠爲度取出收貯用
時勿見火以重湯炖化紅緞攤貼

石部

吸毒石

袁棟書影叢說云吳江某姓有吸毒石形如雲南黑圍棋亦有白色者有大腫毒者以石觸之卽膠黏不脫毒重者一週時卽落輕者逾時卽落當候其自脫不可強離也強離則毒終未盡俟其落時預備人乳一大碗分貯小碗以石投乳中乃百沸踴躍再易乳復沸如前俟沸定則其石無恙以所吸之毒爲乳所洗盡也否則石必粉裂云得之大西洋○嶺南雜記出西洋島中毒蛇腦中石也大

如扁豆能吸一切腫毒發背亦可治今貨者乃土人捕此蛇以土和肉舂成如圍棋石子可吸平常腫毒及蜈蚣毒蝎等傷置患處黏吸不動毒盡自落浸以人乳變綠色卽遠棄之不浸卽裂下次不驗真腦中石置蛇頭不動者真。張萊猗言吸毒石乃蛇蟄時口中所含泥驚蟄後吐棄穴畔人取貨之按庚辛玉冊云蛇入蟄時含土起蟄時化作黃石並無此事如萊猗所言縱有之亦蛇銜土耳何能吸毒耶。泰西石振鐸本草補云吸毒石又名蛇石有兩種小西洋有毒蛇頭内生一石如扁

豆仁大能拔除各種毒氣此生成者也土人將蛇石并本蛇之肉與本地之土爲末造成如圍棋子大此造成者也小西洋用蛇石大西洋惟用藥製凡遇蛇蝎蜈蚣等傷及癰疽大毒一切惡瘡用此石置患處則緊黏不脫其毒吸盡則解脫須防墜損以綿毡等盛之吸時只可一二時不脫亦當摘下否則石碎脫離時急用乳汁浸之或人乳不便牛羊乳亦可浸至乳汁畧變綠色或黃或黑是其毒盡也或諸乳皆無以溫水浸之亦可浸之稍遲石卽受傷不可再用矣旣浸之後又以清水洗淨

抹乾收貯但所浸乳汁有毒在內須掘地坑埋之免傷人畜或患處無血用小刀刮損微見血出方能黏也或預服解毒傷藥內攻再用此石吸之更妙如試此石置毒蛇頭上蛇卽不敢動然亦必須乳汁浸如前法則石不傷蓋一試之頃蛇毒亦在內也。紀曉嵐先生灤陽消夏錄云小奴玉保烏魯木齊流人子也初隸特納格爾軍屯嘗入谷追亡羊見大蛇巨如柱盤於高崗之頂向日曬鱗週身五色爛然如堆錦繡頂一角長尺許有羣雉飛過張口吸之相距四五丈皆翩然而落如矢投壺

知羊爲所吞矣乘其未見循澗逃歸恐怖幾失魂魄軍吏鄔圖麟因言此蛇至毒而其角能解毒卽所謂吸毒石也見此蛇者攜雄黃數觔於上風燒之卽委頓不能動取其角鋸爲塊癰疽初起時以一塊著瘡頂卽如磁吸鐵相黏不可脫待毒氣吸出乃自落置之乳中浸出其毒仍可再用毒輕者乳變綠稍重變青黯極重者變黑紫須吸四五次乃可盡餘一二次愈矣予從兄懋園家有吸毒石治癰疽頗驗其質非木非石至是乃知爲蛇角矣敏按吸毒石曉嵐先生以爲卽大蛇之角葉漪以

爲蛇含土恐皆非是瀕湖綱目蛇角一名骨咄犀
引輟耕錄及松漠紀聞曹昭格古論諸書止言能
治癰毒並無吸毒之說書影叢說及嶺南雜記皆
斷以爲石其說詳核可從故列石部兼采諸說備
證至蛇含土乃蛇黃也與此更迥別尤不辨自明
治一切無名腫毒及毒蟲傷以石吸之立愈

天生礪

昆陵劉霽軒先生諱煥章任浪窮令有天生礪紀
畧曰浪窮東城外五里有溫泉焉乃昆明海洱之
委也周圍三四里許泉底產硫磺水熱如湯投以

雞蛋可熟中流峙一平巖名九氣臺中空而旁穴
穴凡九溫泉注其內其氣熏蒸上浮於石沾濡流
浹如垂乳然積時既久質漸堅色甚瑩白厯數百
餘年其色灰蒼堆聚巖下硤碕玲瓏與巧石相似
土人鑿取之以爲藥其性大溫補命門眞火虛寒
等症服之厥效如神蓋硫黃泉之熱氣所結質最
輕清又久而後成故功效遠過於石硫黃也今土
人建文星閣於九氣臺上爲浪邑勝跡云
治膈症補命門火衰餘功同倭黃

按西儒高一志空際格致云硫黃有人造者有天

生者天生者外如灰色內如黃泥而淡其體濃肥其味苦鹹其氣臭毒其性燥熱故近火則易爲養也

倭硫黃

出東洋琉球日本呂宋等國以日本者佳其色白似蜜氣不臭烈光潤而嫩高濂四時修合方云舶上硫黃倭夷海船上作灰塗縫者佳人不多見俱以市硫有油者用舶硫色如蜜者黃中有金紅處如七月石榴皮打開儼若水晶有光全非鬆脆性如石硬者真按硫出內地者取土與油煎熬而成

氣腥觸鼻作老黃色倭產者嫩白瀕湖集解但引
庚辛玉冊所載石土二種於倭硫却無考據僅云
倭船者佳不知倭硫黃與內地迥別也其附方內
所載本事方之陰證傷寒博濟方之陰陽二毒瑞
草堂方之酒皰赤鼻宣明方之鼻面紫風皆用舶
上硫黃者斷不可以內地臺黃代用故補著其功
於左。百草鏡白硫黃出琉球國名倭硫黃洋船
帶來質堅如石不臭光潤滑澤形如滴乳者真。
物理小識舶硫如蜜黃中有金紅處擊開如水晶
有光今青硫不佳也蓋陽氣入地遇水則死爲硫

升雲則爆爲雷乃生養萬物之源故以金紅者爲
第一種但須善製耳遇硫毒研釜底煤泡湯飲以
煤爲火之宅硫本陽火見而服也○岳鰲使秀峯
先生曾語予云在京師見倭黃如梅花式成餅色
亦不甚白握手中置耳畔聽之索索作聲如蟲鳴
云此種係倭舶來者特筆於此以候考

性大熱味微酸有小毒補下元助陽道益命門火
衰於老人尤宜減斑殺蟲治瘡通血止瀉痢

煖肚封臍膏 周氏家寶云夏天貼之秋後不生
痢疾用韭菜子蛇床子大附子各一兩肉桂一兩

川椒三兩倭硫黃一兩麝香三分獨蒜一枚麻油
三斤入粗藥浸半月熬至枯色去渣熬至滴水成
珠再加黃丹十二兩再熬俟冷加細藥聽用孕婦忌貼
登仙膏 萬氏家抄云此藥存精不漏固體壯陽
強形健力凡交不泄可採十女之精兼治腰疼下
元虛損五勞七傷半身不遂膀胱疝氣下焦冷氣
小腸偏墜又治二三十年腳腿疼麻陽事不舉婦
人白帶血淋陰痛血崩皆宜貼之麻油一觔四兩
入甘草二兩熬至六分下諸藥 第一下芝麻四
兩 第二下甘草二錢 第三下天門冬酒浸去

心麥冬遠志俱酒浸去心生地酒洗熟地酒蒸牛
膝去蘆酒浸蛇床子酒洗虎骨酥炙兔絲子酒浸
鹿茸酥炙肉苁蓉酒洗去甲膜川續斷紫稍花木
鼈子去殼杏仁去皮尖穀精草官桂去皮各三錢
文武火熬至枯黑色去渣下飛過黃丹半觔 第
四下松香八兩槐柳枝不住手攪滴水不散 第
五下倭硫黃雄黃龍骨赤石脂各爲末二錢再上
火熬半時 第六下乳香末藥木香母丁香各末
五錢再熬離火放溫 第七下蟾酥麝香陽起石
各二錢滴水不散 第八下黃占一兩用磁罐盛

之以蠟封口入井中浸三日去火毒用紅絹攤貼

臍上如行房欲泄以婦人唾津潤去膏藥卽泄便

有孕

應昌按御女之說適足以戕生也種子之說亦足以導淫也貽誤多而成功少觀者慎諸

寶珠膏

行篋檢秘此藥能助筋骨補血長肌固

元未貼此膏之前先用擦久易丹擦腰眼三日後

再貼此膏赤石脂天冬麥冬生地熟地紫稍花蛇

床子鹿茸穀精草防風元參厚樸虎骨兔絲子木

香各一兩母丁香肉桂川斷赤芍黃芪肉蓯蓉白

龍骨杜仲各一錢五分附子一個生用蓖麻子一

百粒去油穿山甲一錢五分地龍去土二錢木鼈

去殼不去油切片倭硫黃沒藥各一錢血竭一錢
乳香二錢松香黃蠟各四錢麝香少許用麻油二
觔將藥入油浸三日後入鍋內熬至黑色去渣用
槐柳枝攪次下黃蠟松香再下細藥油滴水成珠
不散爲度磁器收之絹緞布攤貼腰眼其效如神
擦久易丹 肉苳蓉良薑蛇床子丁香馬蘭花韶
腦各一兩木鱉蟾酥少許爲末煉蜜爲丸如彈子
大每用一丸擦腰眼千百遍軟絹稠護之一日不
解三日後貼前寶珠膏

七寶丹 高濂修台方治久患瀉痢療不差者服

之卽效老人及脾洩滑宜服用附子童便和黃泥
炮五錢當歸一兩乾薑五錢吳茱萸厚樸薑製花
椒各三錢舶硫黃八錢七味爲末米醋和成兩團
白麪和外衣裹藥在內如燒餅包糖一般文武火
煨麪熟去麪搗爲末蜜丸桐子大諸痢米湯下二
十丸空心日午服宿食氣痛不消薑鹽湯下

神效乾丹 演揲兒集此藥堅陽益腎强筋力和
血脉種子如神天雄三錢去皮尖雄精三錢鴉片
三錢蟾酥三錢母丁香大者四粒人參三錢樟腦
瓦上昇淨霜三錢乳香末藥去油各五分倭硫黃

三錢其研細末用絹羅裏外麝香二錢研極細另包將白芨不拘多少以敷用爲度放碗內用滾水泡開將白芨裝入絹袋內擰汁去渣再用蘇合油三錢同白芨汁和藥調勻將麝香末灑上做成錠放磁盒內陰乾或將口封固畧曬俟乾研擦

剪根丸 經驗廣集治胃氣一服除根冷痛尤效元胡索胡椒五靈脂白荳蔻各五錢倭黃如無用石硫黃水浸早晚換水取出用磁器鎔數沸於土地上候冷再用水泡過洗淨一兩木香切片曬乾二錢五分研細末拌勻收貯體壯者服一分弱者

八釐老人幼童五釐取溫燒酒半小鍾調服入密室一切食物不可吃待次日吃稀米湯至五日後方可吃乾飯永不再發孕婦忌服

石腦油

出陝西延安榆州等處乃石中流液土人取之格物須知云石腦油真者透金銀惟真琉璃可貯入水消滴烈焰遽發餘力入水魚鼈皆死撲之以灰則滅常中丞宦遊筆記西陲赤金衛東南一百五十里有石油泉油生水面如肥脂色黑氣臭土人多取以燃燈極明可抵松膏或云可治瘡癰。筆

談鄜延脂延安石油也生於水際沙石與泉水相
雜惘惘而出土人以雉尾裹之入缶中頗似漆燃
之極明元和志石油泉在玉門縣東一百八十里
泉中有苔如肥肉燃之可代燭此油能於水中發
火如燃此油沃以水其光愈熾以灰撲之則滅按
此卽古之石漆也漢書註延壽縣南有山石出泉
漾漾如不凝脂燃之極明不可食縣人謂之石漆
張華言延壽縣南山有溝脂始黃後黑謂之石漆
方鎮編年錄謂之地脂時珍以爲石腦油一曰硫
黃油今雲南緬甸廣之南雄皆有之。聞見雜志

蜀富順縣火井先以木火下引而上用大竹破半
去節火由內行可引入竈下煎鹽其火色青綠不
紅井中油用紙布撚燃入水沉底不滅搽瘡癰立
愈此亦石腦油之類。北史屈茨川在龜茲國西
北大山中水如膏流出成川行數里入地狀如餽
餽甚臭服之齒髮再生癰人服之亦愈此亦石腦
地洩之類。通志略龜溺亦名石腦油與此別
治白禿堆灰俗名狗屎蠟梨瘡刺頭以此油塗上
立瘥又治頑癬風癩惡疥

無名惡毒 救生苦海緬甸出石油卽石腦油在

石縫流氣臭惡不可聞色黑用途惡毒良又治癰毒

東西洋考三佛齊在東南海中本南蠻別種後爲瓜哇所破更名舊港產猛火油樹津也一名泥油大類樟腦第能腐人肌肉燃置水中光焰愈熾蠻夷以制火器其烽更烈魚鼈遇者無不焦燥敏按此卽石油觀其一名泥油可知非樹脂也洋考悞以爲樹津故取附石腦油下

神火

救生苦海有取神火法用劈砂一觔帶水研細以

滾水冲之面上有浮起細沫一層用荆川紙拖水面其沫卽黏著紙上將紙曬乾掃下卽神火也其砂澄清去水再研再冲見有浮起沫依前法拖曬如此六七次直至無浮沫方止每砂一觔約可取神火八九分用烏金紙包收貯

性能拔毒收口凡癰疽毒瘡難收口者以神火少許鵝翎蘸掃膏藥上貼毒水易乾瘡口易斂爲外科聖藥

天龍膏

乃千年塔頂石灰也潁湖石灰條下附古墓中石

灰名地龍骨脰缸油石灰名水龍骨而獨遺此特補之盛再華云塔上石灰受天陽風露之氣變悍烈之性而成溫和故能定痛生肌止血去溼爲金刃要藥內服亦良

外治止血生肌塗惡瘡腫毒寒溼癰瘡內治心腹痛烏痧脹婦人血崩漏帶男子久痢便血及一切打撲損傷惡血凝聚腹痛欲死者俱可服

白虎丸 治一切青筋腹痛萬氏家抄天龍骨不拘多少去泥土水飛過丸似桐子大每服五十丸看輕重加減燒酒下初覺頭痛惡心腹脹卽進一

服當時血散若過三五日青筋已老者多服取效

玉田沙

本經逢原云夏月發麻疹用之良亦河沙中之一種也綱目失載

瑤池沙

朱排山柑園雜識喇嗎嘗進瑤池水水香如蓮色白而重以玻璃器貯之數百年不涸不變人飲之能療百病康熙五十三年遣理藩院員外盛柱取之自京出西寧口望西北行凡七千里至星宿海卽世所稱火敦腦兒也更西北行三千里達崑崙

山山形如桃皆積雪人不能上側影高三百餘丈
山前名孔雀門後名馬門左名獅門右名象門山
四隅各有一山皆低於崑崙孔雀門內有池名麻
達達頰華言天河也四山之水合流於天河河水
伏流至星宿海復流出入中國去崑崙西北四五
里卽瑤池池匝百八十里岸傍皆雪水中有五色
細砂滑膩可食取水一瓶并圖山川風土而歸往
返凡二年零六月

稀痘取沙與小兒常食之卽永不出痘

木心石

樟巖附

生古木中圓如雀卵中色正白著木處燦如黃金
書影叢說有孝子某母嘗患心痛日久不瘳孝子
日禱於神求治一夕夢神曰爾母疾必得木心石
乃愈醒而遍訪名醫皆不知此藥一日入山忽有
二匠解木下鋸有聲孝子乃悟急止告以故視鋸
下有石持歸磨酒與母服痼疾頓除

治心痛

按造化之用無風不能生物無火不能結物故萬
物之動者皆生於風萬物之靜者皆凝於火觀於
火死而質不朽可知木性疎達得風以生之是以

自萌而芽而苞苞坼而花而實皆得風以散之故
春榮秋落如有知也其實與脂質之靜者均屬於
火火爲木子所以樹老則自焚火鬱必泄也木心
有石乃風不能散火鬱於內又不得泄致其脂液
凝聚至精者久則變爲石餘者皆朽如松脂成琥
珀柏脂成瑪瑙所謂物物有一太極也心爲人身
之太極主中宮而至靈以至變之物治之則合同
而化故能愈此疾論事雖變而論理則常也

樟巖 沈氏秘檢樟樹內有石名樟巖

治心痛能通五經煨研煎酒服

仙人骨

輿地志雲南鎮南州山中出碎石如樸硝土人掘取作粉貨之相傳仙人曾化於此因名焉○南詔備考鎮南州城東二十里山中世傳仙人張明亨遺蛻瘞此

治一切瘡神效取粉敷

杜昌丁藏行紀程楚雄府七十里至呂合有呂祖廟去村數里山脚出仙人骨如水晶能療瘡癰相傳仙人爲呂祖所度又三五十里爲鎮南州

滇畧南詔時張王二生遇呂仙於呂合驛王得度

上昇張不能從憤而死埋骨山中化爲石瑩澈如水晶傳一切瘡瘍立愈

禹穴石

產四川龍安府石泉縣石紐鄉以紅如漢血者佳四川通志出石泉禹穴下石皮如血染氣腥以滾水沃飲之能催生

治難產

桃花鹽

柑園小識桃花鹽產澤旺每春深紅如桃花至夏紅色漸減秋冬色白入春仍紅胃痛人炙鹽熨之

立止

治胃痛以鹽熨之立止

癰卵石

池北偶談高陽民家子方十餘歲忽臂上生宿癰
痛癢不可忍醫皆不辨何症一日忽潰中有圓卵
墜出尋化爲石劉工部竊以一金售之用治膈症
如神

治痞結膈症

松化石

唐書僕骨東境康干河斷松投之輒化爲石其色

本草綱目拾遺

卷二

瘡卵石

松化石

五

佳謂之康干石。○錄異記婺州永康縣山亭中有
枯松因斷之誤墮水中化爲石取未化者試於水
隨亦化焉其所化者枝幹及皮與松無異但堅勁
博物志云松本石氣石裂受沙卽產松松至三千
年更化爲石。○輿地紀宋建炎間遂甯府轉運使
衙門後圃有松石外猶松樹而中化爲石又重慶
府永川縣有石松坪有松化石石質而松理或二
三尺許大可合抱然不過相望數山有之俗呼雷
燒松神仙傳三千年當化爲石。○張翥滄塗說松
化石有黃紫二色質理甚細皮上有水紋或松皮

紋亦有節暈紋者天台山間有之西北亦產乃年
久折松入澗水得地氣變石且有變不全尙帶松
質者入藥宜用全化者服之令人忘情絕想
治相思症凡男女有所思不遂者服之便絕意不
復再念

敏按松化石乃有情化無情爲陽極反陰之象男
女愛慕結想成病致君相二火虛磨妄動鏹耗真
陰魂狂魄越神不守舍非此反折之使入和平不
可正取其貞凝之氣以釋妄緣也瀕湖石部不灰
木後附松石云松久所化不入藥用殆未深悉其

奧妙耳

雲核

羅浮志雲核出羅浮亦雲母之類黃者出黃雲峰
白者出白雲峯屑之謂爲漿服之八能吞吐五色
雲

性平服食用之延年却疾功同雲母

瀚海石竅沙

朱排山柑園小識瀚海石出瀚海地近澤旺爲方
三百里無水草其石大者如瓜如拳小者如芋栗
亦有如珠如豆者皆具五色如瑪瑙有竅而中空

其竅中有沙可入藥石質堅其外可碾其中不可碾故每因形成器

主明目

巖香

深山皆有之凡山巖洞壁上有泉滴下年久其水流處則生水結乃至陰之精華憑石乳滋液乘風力而結者土人名巖香俗呼水碱鑿石取之色白如窯灰置手中冷入骨者真

百草鏡云性寒敷湯火傷金瘡出血用水碱火煨醋淬研末同白果肉水浸搗汁和服七分可治白

本草綱目卷二
濁亦入眼科用

龍窩石

名勝志出廬山溪中及有龍居之所此石夜覺涼
冷者眞王伯厚云深山有龍蟠處皆有之士人俟
龍升去乃跡而獲之有五色以透明者煨用生用
有毒敲碎投醋中片片能動而相合者良

性大寒磨面能滅癰痕解熱瘡毒煨粉撲暑沸立
消

按龍體純陽凡陽之體以陰爲用故其蟄處石皆
性冷入夜更涼者眞陰爲用也投醋中輒能相合

者龍乃東方之神應木木味作酸石感精氣所以
遇醋而能合其功能解熱滅癰亦取其寒斂之性
以奏效耳

石髓

福建續志石髓出泉州安溪長潭石罅間接骨如
神療內傷折骨酒研三分服能接斷骨不可多服
多則骨大

紅毛石皮

出粵澳門來自紅毛國中國用作火石外皮白如
粉甚鬆脆番人去其皮其中石質售爲火石皮不

甚貴重任人搬取

治金刃傷以石皮搗粉功勝千年石灰云可以黏
合皮膚裂痕

金精石

福建續志出永春州雙髻山等處其石似鐵礪而
鬆色如黃金○本草綱目金星石集解後引劉河
間宣明方點眼藥中用金精石時珍疑以爲卽金
星石蓋未見續志也

去翳明目入眼科用

雄膽

雉糞黃附

六研齋筆記王存思太僕貴陽人云其土多山出雄黃有大至數百觔者中有浮沙成團如鵝卵曰雄膽破之有清水盞許急飲之沉疴俱消壽二百歲特以山民頑獷遇之不謹卽散漫不得飲耳有一人飲之至今猶在健如三十許人自言百五十餘歲矣

梁三蟲毒除痼疾駐容延年

雉窠黃 醫雲樓雜記雉窠底有雉黃黃氣遠射能辟毒物鄉人三四月中徧覓之爲市其取黃法先以溺繞窩三市從而掘之所獲約二三兩價倍於

他產

海外三珠有轉胎法五月五日午時取金針花葉
從名鵝腳花單葉名金針花陰乾聽用婦人孕滿
月四十日之前將雉窠黃揀明透重一兩一塊者
用葉包裹三四張再用布包縫上孕婦腹前貼身
衣上候四十日分娩生男不生女

解一切毒蛇咬傷辟邪魅山精

按雉窠有黃猶鶴窠有譽所以助陽氣能令子不
暇也千金方有轉女成男法用雄黃養胎取其陽
精之全於地產則雉蓋不獨取以解毒也竊謂雉

之精氣响伏既久人得佩之可解一切產厄於孕婦尤宜

石螺螄

百草鏡出廣東修治與石燕同

治瞽目眼疾

按石螺螄形似螺而體質則石也亦石蟬石蛇之類故主治亦大略相似

貓睛石

墨莊漫錄宣和間外夷貢方物有石圓如龍眼實色若綠葡萄號貓兒眼睛能息火燃炭方熾投之

卽滅按此卽寶石中一種貓兒眼也今雲南緬地寶井中有之

解蠱毒

辟驚石

一名避驚風石本草補云西巴尼亞國有一處土中產石色黑而光嫩取而琢之或大或小佩孩童胸前遇邪風而起慢驚急驚此石代受其患邪氣盡收於石內自然裂破孩童無恙必須常佩永遠方可無虞真可寶之物也

治急慢驚風一切天釣口疳

奇功石

出大西洋形狀無可考本草補云此石能治婦人產難凡遇產難者用芝麻油一鍾放此石在油內浸一宿後用此油擦婦人肚面卽無難產之患或用此石綁在婦人大腿上卽產產後隨時除去凡過發擺子中華名瘧身熱或心中脹悶或胃氣疼痛或痰滯及錯食毒物等患將石或泡酒一碗水一碗浸一宿取此酒石用手擠一擠令此石氣汁下酒水內空心飲此酒水卽愈○血熱瘡疥飲此酒水并塗抹患處卽愈患眼將此酒水或飲或洗皆妙

保心石

本草補生鹿腹中鹿食各種解毒之草其精液久積結而爲石亦名寶石有二種一是鹿獸生成一是泰西名醫至小西洋采珍藥製成服之令毒氣不攻於心故曰保心石用法以刀刮如麥大者六粒爲粉調服多用亦無害更增加精神常服此藥酒水隨人能令腹中不多生蛔蟲體健神旺

治大熱燥渴小便不通泄瀉俱水調服胸傷憂悶無熱者或酒或水調服有熱者酒水各半調服病後軟弱酒水各半調服胸肉傷心痛風寒氣痛吐

蚘咯血吐血皆水調服毒蛇毒蟲傷不拘酒水服
刀箭瘋犬毒物傷以粉敷瘡口外以布包卽愈俱
見本草補